


1626. 34.7.c.21- 24

FABII AMBROSII
SPINVLAE
E SOCIETATE IESV
ORATIO
IN PARASCEVE
AD VRBANVM VIII.
PONT. MAX.
HABITA IN SACELLO VATICANO.



ROMÆ, Typis Francisci Corbelletti. MDCXXVI.
SUPERIORVM PERMISSV.



ILLVSTRISSIMO PRINCIPI
 IOANNI DOMINICO
 SPINVLAE
 CARD. S. CLEMENTIS,



NEAPOLIO SPINVLAE F.



ARVM mihi erat, Princeps Illustrissime, obseruantiam in te meam vni tibi patere, nisi ea etiam alijs certa testificatione perspecta foret. Ausus ergo sum te publicè compellare, vt hoc exiguo monumento, omnes intelligant quanto ego tibi studio deuinctus sim, & quanta sit in tanta fortunæ amplitudine suauitas morum tuorum. Inde est, vt crimen hîc nullum arrogantiae pertimescam, quòd viribus maiora ausus, te adire non dubitem, & alienæ

A 2 indu-

industriæ tibi fructus inscribere. Quod enim per ætatem à me sperare non poteram, ab aliena liberalitate mutuatus, offero tibi munus, si ex sua mole, aut ex tua dignitate spectetur perexiguum, si ex argumenti præstantia, planè magnum. Oratio est, quam Gentilis noster, & Consanguineus meus, ad Urbanum Pont. Max. eo in confessu habuit, quo nullum videt terrarum orbis augustiorem. Ea, dum silentio auditur, nec iniucundè excipitur, animum mihi fecit, vt quod aliqua ex parte meum erat, quasi meum tuo nomini consecrarem. Et eo libentius id ago, quo ipsa in sinum beneuolentiæ tuæ venire gestit oratio, ab ista nimirum purpuræ maiestate acceptura splendorem: sic enim quæ diffugiente die, atque inter mundi tenebras laborantis erumpens, Solem aspexit in occasu, ad orientem tuæ dignitatis lucem respirabit. Vale.



ORATIO.



Si quis antea, minus se debere arbitrabatur effectori suo, quod vite beneficium nullo Dei conferentis impendio accepisset, B.^m Pater, hodierna tandem die intelligat, quam in immensum excreuerit debiti magnitudo, dum genus humanum vile mortis mancipium ijs gradibus peruenit ad vitam, quibus Christus Dominus vite restitutor properauit ad mortem. Occumbente nimirum Deo reuiximus, & quos de nihilo tanquam de nostro condiderat, recreauit è suo. Stetit cruciatibus antiqui operis instauratio, quod in prima aggressione unius imperium vocis effinxerat. Stetit Diuini largitione cruoris salus nostra, ad quam nos antea tenuis afflatu spiritus animauerat. suo demum quasi è cinere meliorem in spem rediuiuus respirauit terrarum orbis,

ubi primum vitæ Parens sublatuſ in crucem moriens expirauit. Huius ego diei memoriam, qui ſcelere, qui ſanguine, qui totuſ amore feruet, breui oratione perſequar, narrator verius, quàm orator. Ergo impium facinuſ ab auaritia inter innocentie caſtra concipitur, atque vnus è duodecim, hoc eſt modo ſanctitatis cultor, nunc charitatis transfuga Sacerdotes adit, exacturus pecuniam, daturuſ Deum. Siſte gradum ſacrilege: quid agiſ nefarium caput? dum pro aliena paciſceriſ vita prodiſ & tuam, & qui præceptoruſ adornaſ necem, feſtinaſ infelix ad laqueum, tu ipſe parricidiuſ tui vindex, qui autor, tuoque malo docturuſ, amiſſo ſemel Deo, amitti & vitam. Interim floſ Diuinitatiſ Chriſtuſ Ieſuſ in horto ſpinarum ſudabat myrrham primam, non ferri vindemiam, ſed amoris: atque ante Patrem ſupplex dum ſuo fouebat complexu terram, quæ prima fuerat arena peccati, ad viuaciſ illiuſ dolorum omnium ſcenæ conſpectum perhorreſcens emicante veniſ ſanguine toto corpore lachrymabatur: ut videlicet edoceret in inſtaurando homine, à nobiſ, qui ſub tanto capite membra ſumus, ſociandos eſſe fletuſ noſtroſ lachrymiſ ſuiſ. Interea irrumpunt in Gethſemani Villam ſclerum anteſignano Iuda cum facibuſ

bus armati milites; frustra quæsituri si nollat, nocturnis illis tædis, quas inflammauerat liuor, Diuinitatis lucem, quæ sub nostræ mortalitatis latebat integumento. Sed charitatis abreptus æstu, dum suscepto prius osculi blandimento telis omnibus sæuiore unius sono vocis, quasi luce se prodit sua, ad terram præcipientes affligit vniuersos; debita enim poena impiè quærentibus Deum, ruina est. vincetus hostiliter raptatur barbarè, perque urbis fora circumducitur insanientis populi ludibrium. Ante Pontificem, quod se, Dei filium fateretur, reus impietatis conclamatur. Ipse Iudex sui immemor officij partes suscipit accusatoris. sed infelix sacrilegium contestaturus scissis pontificijs vestibus sacerdotalem simul exuit dignitatem. Quemadmodum enim agnoscente Petro inhabitantem in Christo Deum, super firmissimam petram, ex ore Domini firmata est Romana hæc, quam veneramur Ecclesia, ita ad huius abiectionem veritatis debuit vetus Synagoga desinere. Mercede impudentiæ restituta, quam transfegerat negotiationem conatur dissoluere parricida sacrilegus; exitu tamen non felici: neque enim eodem redimitur Deus pretio, quo vendi potest. Iam verò Dominus iubente Pilato ad impurum Regem alle-

allegatur, à quo stultitiæ refert insignia, quia tacet. Mixta namque modesta taciturnitate gravitas sæpe apud aulicos amentia est. Quid ni tamen ante Herodem mutum sit, atque elingue Dei Verbum, cuius vox ad eiusdem Regis imperium iampridem præcisa præmium fuerat saltatricis. Ergo candidatus, mox futurus suo cruore purpureus, iterum sistitur Romano Præsidi. Hic meticulosus plus nimio Iudex, quem renunciat innocentem nova iudicii forma, miserabilem facit, & crudelissima humanitate mulctat verberibus, ut subtrahat. neci; rea nimirum non poterat non esse in Regno sceleris innocentia. Exiit illicò indumentis suis tegendus nuditate nostra: circumligatur ad saxum reparationis beneficium columnæ firmitate signaturus. Instruunt carnificinam satellites, virgas expediunt, atque ictus ingeminant. Tanti ergo sceleris hortatore metu, liuore ministro, faces odio ventilante, effuso ad spectaculum coelo, ridente foro, ante Patrem obsequentissimus filius vapulabat, cædebatur acerbissime ab hominibus Deus. Toto corpore diuinus effluebat sanguis Gehennæ restincturus incendia, & iam luxata societate membrorum, non tam discindebantur membra, quàm vulnera. Plagarum

rum modus, qui Deo iubente par esse debebat patrato crimini, eodem obsequente sine lege fuit, quia à nobis peccatum fuerat præter modum. O verè virum dolorum, & scientem infirmitates: & quando in atrio Præsidis sponsus es sanguinum, cape paratas iam tibi infulas imperij tui, atque in prætorium succede inaugurandus dolorum Rex. Ferale itaque lanistæ defatigationi leuamentum questuri, nouo feritatis inuento contextum è dumis horrentibus diadema capiti circumponunt, arundinem, par ludicro regno sceptrum, dexteræ inserunt, atque histrionicam adijcientes humeris purpuram seriò cruentant, quem supplices per iocum quasi timidi venerantur. Fuere tunc pro plausu alapæ, pro acclamationibus conuicia, pro salutatione contumeliæ. At quia priuatim lusum fuerat, in scenam subinde traducitur, ut ante populum sit actor Deus. Sed dum parricidali inflammata odio sub ioculari latentem maiestate verè suum non agnoscit Synagoga Regem; iustissimo supplicio cadit & Regno. Insanis tandem furentium clamoribus fractus Præses, nec illius postremò parcit vitæ, cuius effuderat sanguinem ne periret. Nimirum difficilius rescinditur iniustitia quam inchoetur.

tur. Ad supplicium continuo rapitur, sistitur ad Caluariam, nudatur, traiectisque manibus, ac pedibus trabalibus clauis in sublime tollitur, atque inter sicarios medius in edito tanquam in miseri regni solio collocatur. Nec satis patibulo expletur crudelitas, ni transfigatur etiam linguarum telis. Quid exprobratis morituro Regnum? sub Deo Principe, si nescitis, dolorum nox, aurora est regni. Quid nomen Diuinitatis obijcitis, ut se subducatur cruci? Virga Regni Crux est, sceptrum non abijcit regnaturus. Quid verborum aculeis prouocatis regnantem à ligno Deum? Vestris clauis fixa profundius Charitas est, ut moriturus sibi, uiuat salutem meam. Inter hæc deficiente iam sanguine, pronis in mortem oculis, ceruice in pectus defluente, hominem recreaturus expirat. Sic nimirum occumbens ultimam accepit à nobis crudelitatis lineam, qui primam inhumanitatis senserat manum in exortu, & cui delapso è Coeli sedibus, dum non excipitur à suis, stabulum fuit pro cunis; idem barbarè nunc demum eiectus pro stragulo patibulum habuit in casu. Sensum tamen pietatis hæc rerum uniuersitas induit, quem exuerat humanum genus. Mota illico suis sedibus elementa, effracli tumuli, nouo-
mugi-